

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva finansija, Vlada Zeničko-dobojskog kantona, na 30. sjednici, održanoj 11.06.2024. godine,
d o n o s i

ZAKLJUČAK

I

Utvrđuje se Prijedlog Zakona o dopuni Zakona o izvršavanju Budžeta Zeničko-dobojskog kantona za 2024. godinu.

II

Prijedlog Zakona o dopuni Zakona o izvršavanju Budžeta Zeničko-dobojskog kantona za 2024. godinu iz tačke I ovog zaključka upućuje se u dalju skupštinsku proceduru po skraćenom postupku.

III

Zaključak stupa na snagu danom donošenja.

Broj: 02-_____/24
Datum, 11.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvo finansija,
1x Stručna služba Skupštine,
1x a/a.

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na _____ sjednici, održanoj dana _____ . godine donosi

**Z A K O N
O DOPUNI
ZAKONA O IZVRŠAVANJU BUDŽETA
ZENIČKO-DOBOJSKOG KANTONA ZA 2024. GODINU**

Član 1.

(Dodavanje novog člana 30a.)

U Zakonu o izvršavanju Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj: 21/23 i 4/24), iza člana 30., dodaje se novi član 30a., koji glasi:

“Član 30a.

(Sredstva Kantonalnog zavoda za urbanizam i prostorno uređenje)

Sredstva utvrđena u razdjelu 19, budžetska organizacija 02, potrošačka jedinica 0001 – Kantonalni zavod za urbanizam i prostorno uređenje – Pozicije "Nabavka opreme" i "Rekonstrukcija i investiciono održavanje" – budžetska sredstva, koristit će se prema programima utroška, koje donosi Vlada Kantona."

Član 2.

(Stupanje na snagu Zakona)

Ovaj Zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:

PREDSJEDAVAJUĆI

Datum,

Z e n i c a

Ćazim Huskić

O B R A Z L O Ž E N J E

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeničko-dobojskog kantona.

II RAZLOZI ZA DONOŠENJE I OBRAZLOŽENJE PRAVNIH RJEŠENJA

Članom 7. stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22) je propisano da se zbog potrebe bližeg uređivanja načina izvršavanja Budžeta za tekuću fiskalnu godinu, donosi Zakon o izvršavanju budžeta kojim se definiše struktura prihoda, primitaka, te rashoda i izdataka budžeta i njegovo izvršavanje, prava i obaveze korisnika budžetskih sredstava, ovlaštenja Vlade, Ministarstva finansija i Ministra finansija u izvršavanju budžeta za tekuću godinu i ostala pitanja bitna za izvršenje Budžeta.

Skupština Zeničko-dobojskog kantona je donijela Budžet Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) i Zakon o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24).

Kantonalni zavod za urbanizam i prostorno uređenje Zeničko-dobojskog kantona obratio se Ministarstvu finansija Zeničko-dobojskog kantona Zahtjevima, broj: 12-19/11-46246-3/24 od 17.05.2024. godine i broj: 12-19/11-46246-4/24 od 21.05.2024. godine, za izmjenu i dopunu Zakona o izvršavanju Budžeta Zeničko-dobojskog kantona za 2024. godinu.

S tim u vezi, pripremljen je Prijedlog Zakona o dopuni Zakona o izvršavanju Budžeta Zeničko-dobojskog kantona za 2024. godinu.

U članu 1. Prijedloga Zakona vrši se dodavanje novog člana 30a., tako da će se sredstva Budžeta za budžetskog korisnika - Kantonalni zavod za urbanizam i prostorno uređenje – Pozicije “Nabavka opreme” i “Rekonstrukcija i investiciono održavanje” – budžetska sredstva, koristiti prema programima utroška, koji donosi Vlada Kantona.”

U članu 4. Prijedloga Zakona, utvrđeno je stupanje na snagu Zakona o dopuni Zakona o izvršavanju Budžeta Zeničko-dobojskog kantona za 2024. godinu.

U skladu sa članom 140. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), predlaže se upućivanje Prijedloga Zakona o dopuni Zakona o izvršavanju Budžeta Zeničko-dobojskog kantona za 2024. godinu u skupštinsku proceduru po skraćenom postupku, u formi prijedloga, zbog toga što nije u pitanju složen i obiman zakon.

III FINANSIJSKI EFEKTI

Za donošenje Prijedloga Zakona o dopuni Zakona o izvršavanju Budžeta Zeničko-dobojskog kantona za 2024. godinu, finansijska sredstva su sadržana u Budžetu Zeničko-dobojskog kantona za 2024. godinu.